

歷代職官表

下

〔清〕紀昀等撰

上海古籍出版社

歷代職官表

〔清〕紀昀等撰

下

上海古籍出版社

[illegible][illegible]

[illegible]

步軍統領

國朝官制

提督九門巡捕五營步軍統領滿洲一人

兼任之

掌京城內外門禁鎖鑰統帥八旗步軍五營將備

以徵巡京師詰禁奸宄平易道塗肅清

輦轂初制九門步軍巡捕三營皆領於兵部職方司

以漢人主事一員專司政令康熙十三年始改設

欽定歷代職官表

卷四十六

步軍統領

四

提督九門步軍統領一員

特簡八旗大臣綜理其事三十年以巡捕三營併隸於步

軍統領乾隆四十六年步軍統領和珅會議奏定

以所轄三營地方遼闊增爲巡捕五營舊設有協

理步軍統領衙門刑名事務部臣一人乾隆四十

三年省如步軍統領有以都統副都統任者仍用

部臣一人協理

左、右翼步軍翼尉每翼各一人 正三品 八旗步軍協尉每

族各三人

正四品

步軍副尉每族各三人

正五品

捕盜步軍

校每旗滿洲三人蒙古漢軍各一人步軍校每旗滿洲

二十有一人蒙古漢軍各八人

正五品

委署步軍校每旗

滿洲五人蒙古漢軍各二人

翼尉協尉副尉掌董率守衛巡警掃除捕盜步軍

校掌緝捕盜賊稽察奸宄步軍校掌分汛警夜清

道詰姦翼尉本名總尉康熙十三年置協尉本名

副尉順治五年置副尉本名參尉雍正四年置乾

欽定歷職官表

卷四十六

步軍統領

五

乾隆十九年俱改今名步軍校亦順治中置捕盜步

軍校委署步軍校俱康熙三十四年置所屬凡領

僅二千二十八人步軍一萬八千七百二十六人

捕盜步軍三百二十人乾隆四十六年增步軍二

千二十六人

步軍統領衙門員外郎滿洲二人主事滿洲二人司務

滿洲一人筆帖式滿洲十有二人

員外郎主事掌印檢旗營簿書司務掌稽察簿籍

兼理俸餉筆帖式掌文移繙譯員外郎初置一人

康熙六十一年增一人司務雍正十三年增筆

帖式初置四人康熙三十年增四人雍正十三年

又增四人

城門領滿洲十八人漢軍七人

從四品

城門吏滿洲十八

人漢軍七人

正七品

門千總漢軍三十二人

正六品

掌內城九門外城七門晨昏啟閉之節以嚴出入

稽詐偽城門領初名城門尉城門吏初名城門校

欽定歷職官表

卷四十六

步軍統領

六

乾隆十九年俱改今名其員額內城每門各二人

外城每門各一人門千總初為指揮千戶順治四

年改置內外城每門各二人所屬凡門甲三百二

十八門軍六百四十人又職手每門各二人

信礮總管滿洲一人

正四品

司信礮官漢軍旗各一人

正五品

掌守白塔信礮初順治十年以兵部尚書噶洪達

奏始定置信礮五子白塔山及內九門各置信礮

五設信礮官漢軍左右翼各二人以司其事雍正二年改定員額如今制乾隆八年定歸于步軍統領管轄又

紫禁城內西甬子河舊置步軍校二人步軍四十人

以備緊急差傳乾隆四十八年增置協尉一員步

軍六十名移駐造辦處外圍地方焉

巡捕中營副將一人從二品遊擊一人從三品都司一人

正四品守備四人正五品千總十人正六品把總二十

人後同巡捕南營參將一人正三品遊擊一人後同都司

一人守備五人千總十二人把總二十四人巡捕北營

參將一人遊擊一人都司一人守備三人千總八人把

總十六人巡捕左營參將一人遊擊一人都司一人守

備三人千總八人把總十六人巡捕右營參將一人遊

擊一人都司一人守備三人千總八人把總十六人

掌分汛防守讞察巡邏緝捕姦匪初制巡捕分南

中北三營轄十九汛置官七十員馬步兵五千一

百名乾隆四十六年增為中南北左右五營分設

二十三汛所置各汛名目中醫汛五汛圓明園

汛靜宜園汛樹南營汛六汛東河沿汛東珠市

汛樂善園汛北營汛四汛德勝汛安定汛

汛紫雲市汛東直汛朝陽汛左營

汛日河陽汛東便汛右營汛四汛阜成汛西便

汛廣渠汛左安汛共置官一百七十一員增兵四千九百名合為

一萬分馬戰守糧額仍撥兵二千依健銳營制以

時操演訓練武備各置有外委千總把總以司協

防差操之事並募民充番捕人役以伺察旗民牙

錯星羅法制益加詳密焉

歷代建置

三代

周禮地官司門下大夫二人上士四人中士八人

下士十有六人府二人史四人胥四人徒四十人

每門下士二人府一人史二人徒四人掌授管鍵

以啟閉國門幾出入不物者鄭康成注司門者十城門校尉主王城十

欽定歷代職官表 卷四十六 步軍統領 八

二門賈公彥疏司門總監十二門
每門下士二人據在門啟閉者

謹案周司門之職每門下士二人而主之以下
大夫者蓋以王城管鑰之任非位尊權重則不
能當防閑禁遏之責故特重其官秩卽如今提
督九門皆以大臣兼領也

〔周禮秋官司隸中士二八下士十有二八府五人

史十人胥三十人徒二百人掌五隸之灋帥其徒

而搏盜賊凡囚執人之事鄭康成注隸給繫辱之役者漢始置司隸亦使

欽定歷代職官表

卷四十六

步軍統領

九

將從治道溝渠之役後稍尊之使主官府及近郡禁殺戮下士二人史一

人徒十有二八掌司斬殺戮者凡傷人見血而不

以告者鄭康成注司隸察也察此擯獄者過訟者以告而誅之

四者告于司寇罪之也禁暴氏下士六人史三人胥六人徒

六十人掌禁庶民之亂暴力正者擯誣犯禁者作

言語而不信者以告而誅之凡國家衆庶則戮其

犯禁者以狗野廬氏下士六人胥十有二八徒百

有二十八人掌比國郊及野之道路宿息井樹若有

賓客則令涂地之人聚櫟之有相翔者誅之凡道

路之舟車擊互者敘而行之禁野之橫行徑踰者

凡國之大事比修除道路者掌凡道禁司審氏下

士二人徒八人掌夜時以星分夜以詔夜上夜禁

禦晨行者禁宵行者夜游者鄭康成注審覺也主

晚者今早乙至戊夜士主行夜覺者夜時謂夜早

夜行微候者如今都候之屬修閭氏下士二人史

一八徒十有二八掌比國中宿互櫟者與其國鄉

欽定歷代職官表

卷四十六

步軍統領

十

而比其追胥者而賞罰之禁徑踰者與以兵革趨

行者與馳騁于國中者邦有故則令守其閭互唯

執節者不幾

謹案周官司隸爲漢司隸校尉所自出卽今步

軍統領之權輿而秋官所屬自禁殺戮至修閭

氏五官皆主幾防盜賊姦宄實亦今步軍統領

衙門所有事蓋禁殺戮禁暴氏主禁庶民之斬

殺亂暴者以告而誅之正如今步軍統領衙門

緝獲違禁犯灋之民笞杖者審斷發落徒罪以

上送刑部審擬也野廬氏主修除道路正如今乘輿經由內外城統領率所部官兵先時除道設幃

衛巷以蹕行人也司憲氏主夜禁修閭氏比國

中宿互樣者惟執節者不幾正如今京城內傳

更閉柵王公官民皆禁行走惟奉

旨差遣及各都院傳事均詢問聽出也謹並繫於表

以著於瀟禁所昭實有與成周之制相為表裏

者爾

欽定歷代職官表 卷四十六 步軍統領

土

春秋左氏傳樂盈過於周辭於行人曰將歸死於

尉氏杜預註尉氏討姦之官孔穎達疏尉氏主刑

人故為討姦之官

謹案周禮無尉氏之官疑東遷後始置漢書地

理志陳留郡有尉氏縣應劭曰古獄官曰尉氏

鄭之別獄也是列國後亦仿置此官秦漢中尉

之名其源蓋本於此當亦如今之步軍統領矣

秦

唐六典中尉秦官掌徵巡京師

常璩華陽國志中尉田真黃尉秦中尉

漢

杜佑通典北軍中尉主之掌京城門內之兵

漢書百官公卿表中尉掌徵循京師如淳注所謂游徼徵循禁

備盜賊也類師古有兩丞候司馬千人類師古註

徵謂巡繞也及千人皆武帝太初元年更名執金吾屬官有中

壘寺互武庫都船四令丞中壘兩尉及左右京輔

欽定歷代職官表 卷四十六 步軍統領

土

都尉尉丞兵卒皆屬焉

王應麟玉海應劭曰吾掣也掌執金革禦非常師

古曰金吾鳥名主辟不祥天子出行職主先導以

禦非常故執此鳥之象因以名官崔豹古今注金

吾棒也以銅為之黃金塗兩末

馬竊中華古今注棒者崔正熊注車輻也漢朝執

金吾亦棒也以銅為之黃金塗兩足以謂之金吾

御史大夫司隸校尉亦得執焉

錢文子補漢兵志三輔之兵中尉主之有大事發兵屯衛事已輒罷其征伐四夷不輕用也

漢書百官公卿表中尉丞楊僕

三國魏志王朗列傳西京執金吾從騎六百走卒倍焉

漢書百官公卿表中尉校尉掌北軍壘門內

漢書季布列傳季心爲中司馬中尉郅都不敢加

如淳註中尉之司馬

欽定歷代職官表

卷四十六

步軍統領

主

謹案袁宏漢紀季布弟心立然諾作氣關中方

千里士爭爲之死心爲中尉司馬郅都爲中尉

未敢加也如淳漢書季布傳註以中司馬爲中

尉之司馬與漢紀合

漢書平帝本紀元始二年九月遣執金吾候陳茂

假以鉦鼓募勇敢吏士

史記灌夫列傳夫以千人與父俱嬰軀集解官主

千人如候司馬

馬端臨文獻通考北軍徵巡京師屬中尉別有壘

垣軍門在京城按胡建傳云監軍御史穿北軍壘

垣爲買區軍正丞胡建斬之而中壘校尉實掌北

軍壘門內則是北軍自有壘垣軍門

漢書張蒼列傳蒼任人爲中候王應麟曰北軍中候也

漢書如淳註漢儀注有寺互都船獄令

漢書顏師古注北軍尉一人主上書者獄

謹案漢以執金吾掌北軍其職在徵巡京師而

欽定歷代職官表

卷四十六

步軍統領

古

尹賞列傳稱賞遷執金吾督大姦猾則又主于

緝匪禁邪實與今步軍統領之職最爲相合至

北軍別有都尉校尉中候當如今之巡捕五營

將備其丞候司馬千人則如今之協尉副尉等

官而寺互都船令北軍尉等主治刑獄則如今

之員外郎等官也

漢書百官公卿表司隸校尉武帝征和四年初置

持節從中都官徒千二百人捕逐姦督大姦猾後

罷其兵察三輔三河宏農元帝初元四年去節成
帝元延四年省綬和二年哀帝復置但爲司隸冠
進賢冠屬大司空比司直

漢紀元帝紀諸葛豐爲司隸劾舉無迴避侍中許
章不奉憲度豐特劾章顯奏其事適逢章私出豐
駐車舉節詔章下獄收章窘迫馳車去豐追之章
因入宮自歸于上豐亦上奏因收奪豐節司隸去
節自豐始也哀帝紀諫議大夫鮑宣拜司隸校尉
欽定歷代職官表 卷四十六 步軍統領 五

丞相光行園陵行馳道中宣出逢之使吏拘止丞
相吏没入其車馬
王莽漢儀曰司隸校尉職在典京師外部諸郡無
所不糾詣臺廷議處九卿上朝賀處公卿下陪卿
上

謹案漢之司隸校尉察三輔三河宏農乃兼有
諸州郡刺史之任故地理志以京兆等郡爲司
隸所部亦頗近於守土之官然其職得督察公

卿委寄甚重故漢書蓋寬饒傳寬饒爲司隸校
尉宣帝予書曰命君以司察之位鄭昌上書頌
寬饒亦云職在司察諸葛豐傳又稱司隸棘舉
不濫善善惡惡則所司全在詰禁姦非正如今
之步軍統領也

漢書百官公卿表城門校尉掌京師城門屯兵有
司馬十二城門候

謹案三輔黃圖都城十二門長安城東出南頭
欽定歷代職官表 卷四十六 步軍統領 六

第一門曰霸城門東出第二門曰清明門東出
北頭第一門曰宣平門南出東頭第一門曰覆
盎門南出第二門曰安門南出第三門曰西安
門西出南頭第一門曰章城門西出第二門曰
直城門西出北頭第一門曰雍門北出東頭第
一門曰洛城門北第二門曰厨城門北出西頭
第一門曰橫門城門皆有候門候主候時啟閉
此條可與百官公卿表互證

〔玉海〕環濟要害城門校尉高帝置從縱騎二百二十八武帝始增屯兵

〔漢書〕蔡義列傳遷補覆盎城門候〔顏師古注〕候主候時而開閉也

〔漢書〕功臣表〔毛〕侯彰跽以門尉起碣

謹案漢代城門校尉其任至鉅如王譚王商王立等皆以特進相代領城門兵至募府得舉吏如將軍而孔光爲太師亦兼領城門兵谷永與王譚書所謂至威賢舅執管籥於外蓋因門禁之重故必擇大臣以兼領其事令步軍統領之提督九門正其任也

〔後漢書〕百官志執金吾一人中二千石掌宮外戒司非常水火之事月三繞行宮外及主兵器丞一人比千石縱騎二百人無秩比吏食奉中興省中壘寺互都船令丞尉及左右京輔都尉北軍中候一人六百石

欽定歷代職官表

卷四十六

步軍統領

七

謹案後漢執金吾將兵之事屢見於史袁宏後漢紀所載如光武建武二年執金吾賈復將兵擊郾和帝永元九年執金吾劉尚將兵擊隴西

羌順帝永建六年執金吾張喬屯兵三輔蓋執

金吾本北軍中尉掌京城門內之兵故常主征

伐之事也又和帝永元四年上幸北宮詔公卿

百官使執金吾衛南北宮詔收寶憲大將軍印

綬則後漢志所云掌宮外戒司非常之事是也

欽定歷代職官表

卷四十六

步軍統領

大

〔章懷太子李賢〕後漢書註胡廣曰衛尉巡行宮中

執金吾徵於外相爲表裏以擒姦討猾漢官曰執

金吾縱騎五百二十八人輿服導從光滿道路羣僚

之中斯最壯矣世祖歎曰仕宦當作執金吾

〔東觀漢記〕馮魴爲執金吾將縱騎宿元武門複道

上領南宮吏士

〔洪适〕隸釋執金吾丞武榮碑舉孝廉

缺字

二郎中遷

執金吾丞山陽太守祝睦碑辟司空府北軍中候

北軍中候郭仲奇碑復辟司徒拜軍中候釋云碑書其官無北字郭究碑但稱爲軍中若與額殊按祝睦嘗爲北軍中候而其後碑書云北軍軍中候則知此亦省文耳

後漢書百官志司隸校尉一人比二千石持節掌察舉百官以下及京師近郡犯濫者成帝省建武中復置并領一州都官從事主察舉百官犯濫者功曹從事主州選署及衆事別駕從事校尉行部則奉引錄衆事簿曹從事主財穀簿書主簿主錄閣下事省文書律令師主平濫律簿曹書佐主簿書

袁宏後漢紀獻帝紀初平八大中大夫孔融上書頌川南陽陳留上黨三河近郡不封爵諸侯臣愚以爲千里國可略從周官六卿六遂之文分取北郡皆令屬司隸校尉帝從之

謹案後漢紀光武紀更始以世祖爲司隸校尉

欽定歷代職官表

卷四十六

步軍統領

五

欽定歷代職官表

卷四十六

步軍統領

三

獻帝紀諸葛亮等上言稱左將軍領司隸校尉宜城亭侯備世祖先主皆漢中興之君其始均曾爲司隸校尉可知此官之重又考獻帝紀董卓問司徒王允曰欲得任司隸校尉誰可者允曰惟有蓋京兆耳卓曰此人明智有餘然不可假以雄職也遂以勳爲越騎校尉卓以司隸校尉爲雄職誠如百官志所云掌察舉百官以下及京師近郡犯濫者是也桓帝紀黃門令瑗將虎賁士千人與司隸共捕梁冀宗親洛陽獄河內張成知當大赦使女殺人李膺爲司隸收成殺之此卽所謂察舉京城犯濫者也獻帝紀司隸校尉鍾繇持節鎮撫關中是其察舉近郡之事也又考後漢司隸校尉與河南尹並重凡舉大事必先慎擇此二官靈帝紀蕃武得到瑜書于是以朱富爲司隸校尉劉祐爲河南尹蓋何武將奏收曹節王甫等故先擢此二人以備京

城內外之變故也其後尚方監渠穆既斬何進
珪讓偽詔以故太尉樊陵爲司隸校尉故司空
許相爲河南尹亦重此二雄職也

後漢書世祖本紀司隸從事孟異成

後漢書百官志城門校尉一人比二千石掌維陽
城門十二所司馬一人千石主松門兵每門候一
人六百石維陽十二門其正南一門曰平城門北
宮門屬衛尉其餘上西門雍門廣陽門津門小苑
門開陽門耗門中東門上東門穀門夏門凡十二

欽定歷代職官表

卷四十六

步軍統領

主

門

李尤正陽城門銘平門督司午位處分外臨僚侍
內達帝宮正陽南面衮暑赫融

謹案李尤集載十二城門銘曰正陽城門銘所
謂午位處分者也曰中東門銘所謂月值當卯
者也曰上西門銘所謂位月惟戌者也曰上東
門銘所謂厥位在寅者也曰關陽城門銘所謂

位月惟己者也曰津城門銘所謂位月在未者
也曰旄城門一作旄銘所謂位月在辰者也曰廣

城門銘

陽門銘所謂厥月在申者也曰雍城門銘所謂

位月在酉者也曰夏城門銘所謂位月在亥者

也曰穀城門銘所謂位當于丑者也惟無小苑

門銘或衰集者佚之據後漢百官志此十二門

皆有門候尤正陽門銘云平門督司卽謂門候

主督司也十二門皆有督司獨于正陽門言之

欽定歷代職官表

卷四十六

步軍統領

主

者午位正門于十二門爲特重故也三輔黃圖

長安城南出第三門曰西安門一曰便門卽平

門也古者平便皆同字取其道易直洛陽正陽

門之名平門或亦取其易直乎

後漢書邳惲列傳惲爲上東城門候張奮列傳奮

子甫官至津城門候章懷太子注謝承書曰何湯

爲郎中守開陽門候

諱釋孫叔敖碑陰伯尉有一子字世伯舉江夏孝

廉城門候太尉陳球碑換東城門候釋云漢志洛陽城有中東門後碑亦作中東城門此碑云換東城門候殆省文也司空宗俱碑俱以察孝爲城門候方以智通雅周禮司門千寶注每門下士二人如今候公車誰長之類

謹案東漢執金吾掌摠姦討猾及戒司非常水火之事與今步軍統領職掌正同若司隸校尉則專主糾察百官而後漢書鮑昱傳數昱爲司隸校尉坐救火遲免官則其所掌亦有與執金吾無異若至城門校尉職司啟閉其任並重故曹褒馬防竇武朱儁趙典皆嘗爲之今之步軍統領則以執金吾司隸校尉城門校尉而併爲一職者也

三國

唐六典漢執金吾徼巡宮外魏武執政復爲中尉通典魏司隸與二漢同漢置城門校尉魏因之

王琳野客叢書魏晉以來御史中丞專督行馬內司隸專督行馬外

崔豹古今注兩漢京兆河南尹及執金吾司隸校尉皆使人導引傳呼使行者止坐者起四人各持角弓違者則射之有乘高窺闕者亦射之魏晉設角弩而不用也

謹案裴松之三國志注載魏校事劉肇出過成臯縣縣令沐並欲收之肇以狀問有詔肇爲牧司瓜牙吏云云校事乃司隸之屬而詔旨稱爲爪牙吏則以其職司糾察故特假以事權蓋卽如漢之都官從事也

三國吳志吳主權列傳嘉禾三年執金吾許晏

晉

文獻通考中尉晉初罷

太平御覽晉中興書陶回擢拜北軍中候

續晉右軍將軍鄭烈碑遷北軍中候典司禁戒

欽定歷代職官表

卷四十六

步軍統領

五

欽定歷代職官表

卷四十六

步軍統領

五

晉書職官志司隸校尉漢武置歷魏晉其官不替屬官有功曹都官從事諸曹從事部郡從事主簿錄事門下書佐省事記室書佐諸曹書佐守從事武猛從事等員凡吏一百人卒三十二人及渡江乃罷

謹案魏晉司隸校尉皆兼察列郡如部刺史之職然考太平御覽引臧榮緒晉書稱傳咸以議郎長兼司隸校尉時豪右放恣郡縣容縱盜寇於是奏免河南尹京郡肅然貴戚憚之則其官亦主糾舉非違督緝姦盜實如今之步軍統領也

傅咸明司隸職掌書按令御史中丞督司百僚皇太子以下其在行馬內有違瀆憲者彈糾之雖在行馬外而監司不糾亦得奏之如今之支行馬之內有違瀆憲調禁防之事耳宮內禁防外司不得而行故專司中丞今道路橋梁不修關訟屠沽不

欽定歷代職官表

卷四十六

步軍統領

五

絕如此之比中丞推青州坐即今所謂行馬內歸施于禁防既云中丞督司百僚矣何復說行馬之內乎既云百僚而不得復說行馬之內者內外衆官謂之百僚則通內外矣司隸所以不復說行馬內外者禁防之事已於中丞說之故也中丞司隸俱糾皇太子以下則共對司內外矣不爲中丞專司內百僚司隸專司外百僚自有中丞司隸以來更互奏內外衆官惟所得糾無內外之限也而結

欽定歷代職官表

卷四十六

步軍統領

五

一旦橫挫臣前所以不羅縵者冀因結奏得從私願也今既所願不從而勅云但爲過耳非所不及也以此見原臣忝司直之任宜當正已率人若有其過不敢受原是以申陳其愚司隸與中丞俱共糾皇太子以下則從皇太子以下無所不糾也得糾皇太子而不得糾尚書臣之闕塞既所未嘗皇太子爲在行馬之內也皇太子在行馬之內而得糾之尚書在行馬之內而不以糾無有此理此理

灼然而結以此挫臣臣可無恨耳其於觀聽無乃有怪也臣識石公前在殿上脫衣爲司隸荀愷所奏先帝不以爲非于時莫謂侵官今臣裁料尚書而當有罪乎

謹案後漢紀光武紀是時有上書言宜令司隸校尉督察三公司徒掾陳元上疏謂不宜有司察公輔之明上善其言據傳咸此書則漢晉之制頗異

欽定歷代職官表 卷四十六 步軍統領 主

春秋左氏傳楚人以爲大閹謂之大伯杜預注若

今城門校尉官

通典漢魏置城門校尉晉制銀章青綬絳朝服武

冠佩水蒼玉

謹案通典謂晉亦有城門校尉考杜氏左傳註

謂若今城門校尉則晉有此職尤屬確鑿而晉

書職官志獨闕而不載殆南渡以後又經省併

之故歟

宋齊梁陳

文獻通考宋齊俱以衛尉掌宮城屯兵及管鑰之事梁齊二代無城門之職

隋書百官志梁又有宣陽等諸門候爲三品總位

謹案江左諸朝皆不置執金吾及城門校尉其

官門及城門管鑰皆以衛尉一官掌之則兼有

今護軍步軍兩統領之職也而東晉以後揚州

刺史卽漢魏司隸校尉之任故當時多以親藩

欽定歷代職官表 卷四十六 步軍統領 天

任之然其體制已全同諸州方牧固無復督討

豪猾之事矣

北魏

鄭樵通志職官畧後魏置城門校尉

魏書職官志城門校尉第四品

魏書酷吏列傳時京師盜賊聚爲劫害以敕提爲

逐賊軍將又爲游徼軍將前後擒獲畧盡

魏書甄琛列傳琛以羽林爲游軍於諸坊司察盜

賊於是京邑清靜至今踵焉

議案北魏京城巡徼之濫卽此二條可以考見
大槩蓋逐賊軍將游徼軍將如今之巡捕五營
而羽林游軍則如今之步軍營也

北齊

司馬光資治通鑑齊以東平王儼爲京畿大都督
凡京畿步騎莫不畢從儼被殺罷京畿府入領軍
胡三省注京畿大都督總京畿兵因儼以京畿兵
欽定歷職官表 卷四十六 步軍統領 三
弄兵故罷之

北齊書顯祖本紀授京畿大都督世祖本紀還太
傅領京畿大都督

北齊書慕容儼列傳授儼京畿南面都督

北齊書莫多婁貸文列傳中興初除伏波將軍領
虞候大都督位至領軍將軍恒檢校虞候事督兵
馬糾察盜賊

議案北齊以京畿大都督領京城諸兵當時多

由懿親授任正如今步軍統領之職又有京畿
南面都督分地管轄當如今翼尉之職而虞候
大都督掌率兵糾察盜賊則當如今巡捕五營
之職又考北齊書崔昂傳稱議曹律令京畿密
獄多委之元韶傳稱幽於京畿地牢是京畿府
又主刑獄其於今步軍統領衙門職掌尤爲相
合也

隋書百官志北齊城門寺置校尉二人掌宮殿城
門管籥

謹案北齊城門寺兼掌宮殿城門管籥則亦合
今護軍步兩統領之職而爲一也

後周

通典後周官品正四命地官司門下大夫正三命
地官小司門上士夏官武環率武候率上士正二
命地官官門城門中士正一命地官官門城門下
士

欽定歷職官表

卷四十六

步軍統領

三